



GIPUZKOAKO MENDIZALE FEDERAZIOA
Federación Guipuzcoana de Montaña

HAUETESKUNDE
ARAUDIA GMF

2012KO APIRILAK 19
(12.04.19 Ohiko Batzar Nagusiak onartua)



GMFren 2008ko HAUTESKUNDE ERREGELAMENDUA

- I. idazpurua: Xedapen orokorrak.
- II. idazpurua: Hauteskunde batzordea.
- III. idazpurua: Hauteskunde mahaia.
- IV. idazpurua: Hautesle errolda.
- V. idazpurua: Kontuhartzaileak.
- VI. idazpurua: Errekurtsoak.
- VII. idazpurua: Hauteskunde prozeduraren berri ematea.
- VIII. idazpurua: Batzar orokorra hautatzeko bidea.
- IX. idazpurua: Zuzendaritza Batzordea hautatzeko bidea.

I. IDAZPURUA

XEDAPEN OROKORRAK

1. artikulua

Gipuzkoako Mendizale Federazioaren (aurrerantzean GMF) hauteskundeak hauetan adierazitakoari jarraituz arautuko dira: Euskal Herriko Kirolari buruzko ekainaren 11ko 14/1998 Legea, Kirol Federazioei buruzko urtarrilaren 31ko 16/2006 Dekretua, Federazioetako Hauteskundeei buruzko 2012ko otsailaren 19ko Agindua, Federazioaren Estatutuak, Hauteskunde Araudi hau, eta aurrekoa garatzen edo aldatzen duen araudia.

2. artikulua

Botoa emateko eskubidea norberarena baino ez da eta ezin da beste inoren esku utzi; hots, bozketetara joateko eta botoa emateko eskubidea ezingo da, inola ere, beste bati -batzarkide izan edo ez izan- eskuordetu.

3. artikulua

Botoa libre eta isilpekoa da. Inor ezin da botoa ematera derrigortu edo koakzionatu, ez eta bere botoa zein izan den esatera behartu ere.

4. artikulua

Erregelamendu honetan jardunbideari dagokionez araupetzen ez dena Herri Administrazioen Araubidearen eta Guztientzako Administrazio Jardunbideari buruzko azaroaren 26ko 30/1992 Legean adierazitakoari jarraituz arautuko da. Horrez gain, hauteskunde araubide orokorra ere hartuko da oinarriztat erregelamendu honetan zehazten ez dena arautzeko.

5. artikulua

Hauteskunde ekitaldi guztiak (hautagai zerrendak aurkeztea, ekintzak aurkatzea, bozketak, eta abar.) federazioaren egoitzan egin beharko dira astelehenetik ostiralera bitartean; honako hau izango da ordutegia:

Astelehen, asteazken eta ostiraletan 11:00etatik 13:50era eta 17:00etatik 19:50era:

6. artikulua

Abuztua ez da kontuan hartuko hauteskunde ondorioetarako.

Botazioak egiten diren egunetan ez da autonomi edo beheragoko lurralde mailako inolako kirol lehiaketa zein proba ofizialik egingo.

II. IDAZPURUA

HAUTESKUNDE BATZORDEA



7. artikulua

GMFren hauteskunde batzordea da hauteskunde prozesua bultzatu eta behar bezala gauza dadin ardura izango duen kide anitzeko organoa eta prozesu hori zuzenbidearen arabera izan dadin bermatuko duen federazioko atala.

8. artikulua

Hauteskunde batzordeak hiru. kide izango ditu. Horiez gain, beste horrenbeste ordezkari ere izango dira.

Kide horiek lehendakaria eta idazkaria aukeratu beharko dituzte beren artean. Izendatu gabe dauden bitartean adinaren arabera beteko dituzte postu horiek: zaharrena lehendakari eta gazteena idazkari izango dira.

9. artikulua

Hauteskunde Batzordeko kideak, bai eta ordezkariak ere, Batzar Nagusiak aukeratuko ditu Estatutuaren aurreikusitako sistemaren arabera, hauteskunde prozesua hasi aurreko azken batzar nagusian. Batzordekide ezingo da izan bere burua hautagai gisa aurkeztuko duena.

10. artikulua

Hauteskunde batzordearen betebeharrak:

- a) Hautesle errolda eta hauteskunde egutegia onartzea.
- b) Aurkezten diren hautagai zerrendak onartu, aldarrikatu eta argitaratzea.
- c) Hauteskunde mahaia izendatzea.
- d) Hautetsiak aldarrikatzea.
- e) Aurkezten diren aurkatze, erreklamazio, eskaera eta errekurtsioei buruzko erabakiak hartzea.
- f) Hauteskunderen buruzko araudia interpretatzea eta arautu gabe dagoena nola arautu erabakitzea.
- g) Agiri ofizialak onartzea: botoa emateko txartelak, kartazalak, hautagai zerrendetarako inprimakiak, eta abar.
- h) Dagokion federazioan egoitza ez den lokalean hauteskunde ekitaldiak egitea baimentzea.
- i) Egindako galderei erantzutea.
- j) Dagokion diziplina batzordeari jakinaraztea urraketaren bat eragin dezaketen hauteskunde prozesuko egintzak.
- k) Hauteskunderen eta horien emaitzei zuzenean eragiten dien edozein gai.

11. artikulua

Hauteskunde batzordea lau urterako aukeratuko da; hala ere, epe hori igaro baino lehen kargutik kendu eta beste bat izendatzeko eskubidea izango du batzar orokorrak. Dena dela, kargua uzten duen batzordeak lanean jarraituko du hauteskunde batzorde berria izendatu arte.

12. artikulua

Erabakiak hartzeko bertan dauden kideen gehiengo osoa beharko du hauteskunde batzordeak eta idazkariak aktan jaso beharko du bileran esandako guztia. Hartutako erabakien aurkako botoa emanez gero erabaki horretatik erator litekeen edozein erantzukizunetik salbu geldituko da batzordekidea baldin eta boto hori emateko arrazoiak azaldu baldin baditu.

13. artikulua

Organoetako partaide izateak dakartzkien eginbeharrak betetzeagatik, hauteskunde batzordeko kideek lansaria jaso dezakete.

Lansariari buruzko gorabeherak batzar orokorrak erabakiko ditu, organoetarako izendapenak egin aurretik.

III. IDAZPURUA

HAUTESKUNDE MAHAIA

14. artikulua



GIPUZKOAKO MENDIZALE FEDERAZIOA

Federación Guipuzcoana de Montaña

Hauteskunde batzordeak hautesleen artean zozketa eginez aukeratuko ditu hauteskunde mahaia osatuko duten hiru kideak, bai eta beste horrenbeste ordezkari ere; horien lehendakari eta idazkari, zaharrena eta gazteena izango dira, hurrenez hurren. Batzordekideek beren artean erabaki beharko dute zeintzuk izango diren lehendakari eta idazkari. Hautagaiek ezingo dute hauteskunde mahaiko kide izan eta zozketan hala egokituz gero bertan behera utzi beharko dute Mahaia; horrelakorik gertatzen bada ordezkari hartuko du hutsik gelditutako lekua.

15. artikulua

Hona hemen hauteskunde mahaiaren eginkizunak:

- a) Bozketak behar bezala egin daitezen neurriak hartzea.
- b) Bozketan parte hartu behar dutenak zeintzuk diren eta benetan horretarako eskubiderik duten egiaztatzea.
- c) Emandako botoen balioari buruzko erabakiak hartzea.
- d) Bozketa bukatu ondoren botoak zenbatzea.
- e) Bozketaren inguruko beste edozein gairi buruzko erabakia hartzea.

16. artikulua

Erabakiak hartzeko bertan dauden kideen gehiengo osoa beharko du hauteskunde mahaiak eta erabaki horien aurka hauteskunde batzordeari errekurtsioa jartzeko eskubidea izango dute doakienek erabakia jakinarazten denetik edo, hala badagokio, argitaratzen denetik hasita bi laneguneko epean.

17. artikulua

Organoetako partaide izateak dakartzkien eginbeharrak betetzeagatik, hauteskunde mahaiko kideek lansaria jaso dezakete.

Lansariari buruzko gorabeherak batzar orokorrak erabakiko ditu, organoetarako izendapenak egin aurretik.

IV. IDAZPURUA

HAUTESLE ERROLDA

18. artikulua

Hautesle erroldan jasota ageri da hautesle eta hautagai izateko baldintzak bete eta GMFn botoa emateko eskubidea aldi baterako edo behin betiko galdu ez duten pertsona fisiko eta juridikoen zerrenda.

19. artikulua

Hautesle erroldan gutxienez honako datu hauek agertuko dira: pertsona fisikoei dagokienez, izen-abizenak, nortasun agiria eta federazioko lizentzia zenbakia; pertsona juridikoen kasuan, berriz, elkartearen izena, identifikazio fiskaleko zenbakia, Euskal Herriko kirol erakundeen erregistroko erregistro zenbakia eta federazioko bazkide zenbakia.

20. artikulua

Hautesle errolda estamentuka egongo da sailkatuta.

Hautesle bakoitza estamentu bateko kide izango da eta inor ezingo da batean baino gehiagotan izena emanda egon. Pertsona batek estamentu bat baino gehiagotan baldin badu federazioko lizentzia, bat aukeratu beharko du, errolda behin-behineko onartu aurretik. Egoera horretan izan arren ez badu aukerarik egiten, lizentzia kopururik txikiena duen estamentuari atxikita geratuko da.

21. artikulua

Hauteskunde errolda onartzeko, hauteskunde batzordeak kontuan hartuko ditu erroldak, fitxategiak, estatistika datuak, zigor erregistroak eta abar; horiek guztiak, hauteskunde batzordeak berak eskatuko dizkio GMFren administrazio organoari.

Hauteskunde batzordeak ez du eskumenik federazio lizentziak baliogabetu edo eteteko, beraz, hauteskunde organo horrek kontuan izan beharko ditu administrazio bidetik edo auzibidetik baliogabetu edo eten ez diren federazio lizentzia guztiak.



V. IDAZPURUA

KONTUHARTZAILEAK

22. artikulua

Hautagaiek edozein pertsona izenda dezakete hauteskunde ekitaldietan beren ordeaz aritu dadin, beti ere, pertsona hori adinez nagusi bada eta ahalmen zein eskubide guztiak baditu.

23. artikulua

Ahalorde izendatzeko notarioaren aurrera edo GMFren idazkaritzara jo beharko dute doakienek eta ofizialki onartutako ereduari jarraituz izendatuko dira bertan ahalorde.

24. artikulua

Kontuhartzaileek ahalordea eta NA, pasaportearen edo identifikazio dokumentua erakutsi beharko dizkiote hauteskunde mahaiari hauteskunde ekitaldiak egiten ari diren tokietan egon ahal izateko, hauteskundeak behar bezala egiten ari direla ziurtatu eta egoki ikusten dituzten adierazpen, erreklamazio edo errekurtsioak aurkez ditzaten.

VI. IDAZPURUA

ERREKURTSIOAK

25. artikulua

Hauteskunde mahaiaren eta hauteskunde batzordearen erabakien aurkako errekurtsioak Hauteskunde Batzordeari berari zuzenduko zaizkio, Kirol Justiziako Euskal Komiteari dagozkion kontuetan izan ezik; errekurtsioak aurkezteko epea bi laneguneko izango da.

26. artikulua

Errekurtsioak eabakitzea:

- 1) Hauteskunde batzordeak gehienez 4 egun naturaleko epean hartuko du erabakia.
- 2) Erabakiak oso-osorik edo zati batean onar ditzake errekurtsioan azaldutako asmoak, edota besterik gabe onartezintzat jo.
- 3) Errekurtsioa ez bada berariaz erabakitzen ezarritako epean zehar, ezetsitzat jo ahal izango da, eta hala zabalik geratuko da Kirol Justiziako Euskal Komiterra jotzeko bidea.
- 4) Hauteskunde batzordeak hauteskunde errekurtsioak erabakiz hartzen dituen akordioak amaitutzat ematen dute federazio bidea, eta Kirol Justiziako Euskal Komitearen aurrean errekurtsioa jartzeko aukera ematen dute, lau laneguneko epean betiere.
- 5) Organo eskudunen hauteskunde erabakiak gauzatzea federazioaren hauteskunde batzordearen eginkizuna da, kasuan kasuko federazio organoen lankidetzaz.
- 6) Hauteskunde batzordearen erabakiak exekutiboak izango dira.
- 7) Halako ekintza batzuk baliogabetuz gero, bere horretan mantenduko dira irregulartasuna bete ez balitz ere bere edukiaz berdin-berdin geratuko ziren ekintzak eta izapideak.

27. artikulua

Errekurtsioan honako datu hauek zehaztu beharko dira:

- a) Errekurtsioaren izen-abizenak, helbidea eta nortasun agiria edo IFK.
- b) Errekurtsioaren errekurtsioa noren izenean aurkezten duen eta beste baten izenean arituz gero horretarako behar diren egiaztapenak.



- c) Errekurritutako egintza.
- d) Errekurtoan erabakigarriak diren gertaerak eta legezko oinarriak.
- e) Eskaera.
- f) Tokia, data eta izenpea.

VII. IDAZPURUA

HAUTESKUNDE PROZESUAREN BERRI EMATEA

28. artikulua

Hauteskunde batzordeak federazioko kide guztiak hauteskunde prozesuaren berri izan dezaten eta dagozkien eskubideak erabili ditzaten bermatu beharko du. Hori dela eta jarduneko administrazio organoak hauteskunde batzordeak eskatzen dizkion giza baliabideak eta bitarteko materialak jarri beharko dizkio eskura hauteskunde prozesua zabaltzeko.

29. artikulua

Federazioak derrigorrez jarri behar ditu GMFren eta Euskadiko Federazioaren iragarki taulan hauteskunde prozesuari buruzko dokumentu eta erabaki guztiak.

GMFn hautesleen eskura egongo dira hauteskunde prozesuko agiri garrantzitsuenak, egutegia, errolda eta hauteskunde araudia, besteak beste.. Horrez gain, lurralde historikoan hedapen handiena duen egunkari batean edota Gipuzkoako Aldizkari Ofizialean argitaratuko dituzte hauteskundeen hasieraren nahiz prozesuaren egutegiaren berri ematen duten iragarkiak.

30. artikulua

GMFk eskura dituen web guneeetan argitaratuko ditu hauteskunde erroldaren, egutegiaren, araudiaren eta hauteskunde batzordearen ebazpenen interes orokorreko testuak. Hauteskunde ebazpenen publizitate hori bertan aipatutako pertsonen ohorea eta intimitatea babestuta egin beharko da.

Hala eta guztiz ere, hauteskunde araudiaren, erroldaren, egutegiaren eta hauteskunde batzordearen ebazpen guztien kopia bana bidali beharko da Gipuzkoako Foru Aldundiaren Kirol Zuzendaritzara, hauteskunde prozesuari zabalkunde handiagoa eman diezaion.

VIII. IDAZPURUA

BATZAR OROKORRA HAUTATZEKO BIDEA

31. artikulua

Honako hau izango da federazioko batzar orokorraren estamentuen eraketa (portzentajea):

- a) Klub eta kirol elkarteak % 80
- b) Kirolariak % 10
- c) Teknikari eta epaileak % 10

32. artikulua

Klub eta kirol elkarteek batzar orokorrean izango dituzten ordezkariak, kirol federazio eta elkarten erroldan izena emanda daudenak, lurraldeko federazioari atxikita daudenak eta azken hamabi hilabeteetan kirol ekintza esanguratsuren bat egin dutenek izan behar dute. Kirol ekintzaren bat egin dutela ulertuko da mendizaletasuna praktikatzeko eta/edo sustatzeko ekintzaren bat antolatu badute.

Aurreko baldintzez gain, kirol klub edo elkarte batek kirol jarduera burutzen duela aitortzeko, hauteskundeak egiten diren urtean eta aurrekoan indarreko lizentzia duten 15 kirolari izan behar ditu, gutxienez.

Hamabi hilabetetako denbora-eskakizuna betetzat jotzeko, nahitaezkoa izango da Hauteskunde Batzordeak hauteskundeetarako deialdia egiten duen egunaren aurreko seihileko bietako bakoitzean kirol-jarduerak burutu izana.



32. bis artikulua

Hauteskunde Batzordeak ezarriko du klub en eta kirol elkarten estamentuari dagokion boto haztatua, irizpide hauen arabera:

a) Hauteskunde prozesua hasi aurreko denboraldian 400 federazio lizentzia baino gehiago tramitatu dituzten klub eta kirol elkarteei hiruna boto esleituko zaizkie.

Hauteskunde prozesua hasi aurreko denboraldian 150-400 federazio lizentzia tramitatu dituzten klub eta kirol elkarteei bina boto esleituko zaizkie.

c) 15 lizentziatik gora dituzten gainerako klubei boto bana esleituko zaie.

d) Era horretan kalkulaturik, klub eta kirol elkarten estamentuak Batzar Nagusiko boto guztien % 90 baino gehiago baldin badu, murriztu egingo dira esleituriko botoak; bi eta hiru boto esleitu zaizkien klub en artean lizentzia gutxien duten klubei boto bat kenduko zaie, aipaturiko portzentajera iritsi arte.

33. artikulua

Batzar orokorrean kirolariek izango dituzten ordezkariak hauteskunde errolda onartu zenean hemezortzi urte zituzten eta 2008ko urtean eta aurrekoan ere lizentzia izan duten kirolarien artean hautatuko dituzte bozketaren momentuan hamasei urtetik gora dituzten eta arestian aipaturako baldintzak betetzen dituzten kirolariek.

34. artikulua

Teknikari eta epaileen ordezkariak 2008ko urtean eta aurreko urtean ere lizentzia izan duten teknikari eta epaileen artean hautatuko dituzte doakienek berek, dena dela lizentziaren maila, (adinari, estamentuari,... dagokionez).

35. artikulua

Hautagai zerrendak hauteskunde batzordeak onartutako inprimaki eredu an aurkeztu beharko dira; zerrendak aurkezten diren uenan hautagai zerrenda noiz aurkeztu den egiaztatuko duen diligentsia egin beharko du GMFren administrazio zerbitzuak, eta horren agiria eman beharko dio aurkezten duenari. Halabeharrezko kasuetan izan ezik, ez da onartuko hauteskunde batzordeak erabakitako epe eta ordutegian aurkezten ez den hautagai zerrendarik.

36. artikulua

Hautagai bakoitzak batzar orokorrerako hautagai zerrenda bat baino ezingo du aurkeztu.

37. artikulua

Botazioa estamentuka egingo da. Botoa isilpekoa izango da, eta hauteskunde batzordeak emandako txartel ofiziala erabiliko da horretarako. Hautesle bakoitzak bere nortasuna egiaztatu beharko du, nortasun agiria, pasaportea, gidatzeko baimena edo nortasuna adierazteko baliagarria den agiriren bat aurkeztuz.

Izapide hori bete eta gero, hautesle bakoitzak txartela emango dio hauteskunde mahaiko lehendakariari, eta honek hautestontzian sartuko du.

Botazioa amaitu eta gero, hauteskunde mahaiko kideek gauza bera egingo dute; lehenik idazkariak emango du botoa, eta azkena lehendakaria izango da.

Teknikari, epaile eta kirolarien estamentuko hautesle bakoitzak bere estamentuan hautatu beharreko batzarkide hainbat hautagai bozkatu ahal izango ditu.

Estamentu bakoitzeko hautagai kopurua hautatu beharreko kopuruarekin bat badator edo txikiagoa bada, hauteskunde batzordeak bozketarik egin gabe izendatuko ditu.

38. artikulua

Bozketa bukatu ondoren botoen zenbaketari ekingo dio hauteskunde mahaiak.

Hauteskunde batzordeak ofizialki onartutako ereduaz besteko kartazal edo txarteletan emandako botoak baliogabeak



GIPUZKOAKO MENDIZALE FEDERAZIOA

Federación Guipuzcoana de Montaña

izango dira, eta baita kartazalik gabeak ere. Kartazalean hautagai zerrenda bereko txartel bat baino gehiago baldin badago, baliozko botoa bakartzat zenbatuko da.

Botorako txartelean hautagaien izenak aldatu, erantsi edo ezabatu baldin badira, hautatu beharreko hautagai kopurua baino gehiago markatu badira edo jarrita dauden hurrenkera moldatu, baliogabeak izango dira; gauza bera beste edozein aldaketa gertatu bada txartelean.

Zuriz emandako bototzat hartuko dira txartelik gabeko kartazalak edota txartel zuriz agertzen direnak.

39. artikulua

1.- Boto berdinketa gertatuz gero, emakumeak buru dituen hautagai-zerrenda izango da irabazlea.

Hala ere berdinduta egonez gero, Federazioan antzintasun handiagoa duen pertsona edo entitatea izango da hautatua.

2.- Berdinketak bere horretan segitzen badu, Hauteskunde Batzordeak zozketa egingo du berdinduta dauden hautagai-zerrenden artean.

40. artikulua

Batzar orokorreko kide hautatu batek galtzen badu hautatua izateko unean baliagarri izan zitzaien izatera, automatikoki batzar orokorreko zerrendatik aterako da.

Batzar orokorrean hutsik gelditzen diren postuak boto kopuruaren arabera hurrengo dauden hautagaiek beteko dituzte; berriz ere hauteskundeak egin arte egongo dira postu horretan ordezkioak

Klub edo taldeen baje kasuan, plaza huts horiek lau urteko epean federazioan altan dauden eta hauteskunde araudi honetan bildutako lizentzien eta kirol jardueraren eskakizunak betetzen dituzten klub edo talde berriek bete ahal izango dituzte, batzar orokorrean parte hartzeko eskubidea izateko.

Ordezkoekin ezin badira plaza hutsak bete, lau urteko agintaldian hauteskunde partziala egingo da plaza hutsak betetzeko.

41. artikulua

Estamentu bati dagozkion postuak betetzeko adina hautagai ez badira aurkezten, beste estamentuek batzar orokorrean duten ordezkari kopurua proportzionalki gehitzeko eskubidea izango dute ordezkioak erabiliz, batzar orokorrak zehaztuko duen moduan.

42. artikulua

Botorik gehien lortzen duten hautagaiak aldarrikatuko dira batzarkide.

IX. IDAZPURUA

LEHENDAKARIA ETA ZUZENDARITZA BATZORDEA HAUTATZEKO BIDEA

43. artikulua

Batzar orokorreko kide guztiak izango dira lehendakaria eta zuzendaritza batzordea aukeratzeko hautesle. Batzar orokorrean norbere izenean dagoenak ezingo du aldi berean batzarrerako hautatutako pertsona juridiko baten ordezkari izan.

44. artikulua

Batzar orokorreko kideak behin betiko izendatu ondoren, gutxienez zazpi egun naturaleko epea ezarriko da lehendakariarako eta zuzendaritza batzorderako hautagaiak aurkezteko.

45. artikulua

Hautagaiak hauteskunde batzordeak ofizialki onartutako inprimakietan aurkeztu beharko dira.

Hauteskunde batzordeak ofizios egiaztatu beharko du hautagaiek agintaldi mugaketaren inguruko federazioaren arauak betetzen dituzten, jarduneko lehendakariak igorritako dokumentazioaren arabera.



46. artikulua

Hautagai zerrendak aurkeztu ondoren ezingo dira aldatu. Hautagai zerrendak itxiak izango dira eta zerrendako partaide guztiek sinatuta aurkeztuko dira.

Zerrendan emakume eta gizon kopuru orekatua egon beharko da. Ordezkaritza orekatua izango da bi sexuek, gutxienez, % 40ko ordezkaritza dutenean. Hauteskunde prozesuko denboraldian emakumeen edo gizonen federazio lizentziak % 40 baino gutxiago badira, nahikoa izango da federazio lizentzien portzentajea berdindu edo gainditzen duen ordezkaritza izatea gutxiengoa duen sexuak.

47. artikulua

Hautagaiak aurkezteko epea amaitutakoan, hauteskunde batzordea bildu egingo da onargarritasuna aztertzeko eta horren aldeko edo aurkako erabakia hauteskunde batzordearen aurrean errekurritu ahal izango da bi laneguneko epean.

Hautagairen batek konpontzeko moduko akatsen bat egin badu, hamar laneguneko epean konpontzeko eskatuko zaio.

48. artikulua

Pertsona bera ezingo da zuzendaritza batzorderako hautagai zerrenda batean baino gehiagotan agertu.

49. artikulua

Batzar orokorrean bozketari ekin baino lehen hautagai bakoitzak hamar minutu izango ditu gehienez ere hitz egiteko.

50. artikulua

Botazioa estamentuka egingo da eta hauteskunde mahaiko lehendakariak beren izenaz hots egingo die batzarkideei, hautatzen duten hautagai zerrendaren txartela sar dezaten propio jarritako hautestontzian.

Botoa sekretua izango da, eta hauteskunde batzordeak emandako txartel ofiziala erabiliko da horretarako. Hautesle bakoitzak bere nortasuna egiaztatu beharko du, nortasun agiria, pasaporte, gidatzeko baimena edo nortasuna adierazteko baliagarria den agiriren bat aurkeztuz. Pertsona juridikoek klubaren edo elkartearen idazkariak eman eta lehendakariak ontzat emandako ziurtagiri bat aurkeztuko dute, bertan adierazi beharko baita nork duen erakundearen ordezkaritza legala, edota nork duen botazioetarako ahalordea.

Izapide hori bete eta gero, hautesle bakoitzak txartela emango dio hauteskunde mahaiko lehendakariari, eta honek hautestontzian sartuko du.

Batzar orokorraren baitan ez da botoaren ordezkaritzarik zein posta bidezko botorik onartuko.

51. artikulua

Bozketa bukatu ondoren botoen zenbaketari ekingo dio hauteskunde mahaiak.

Hauteskunde batzordeak ofizialki onartutako ereduaz besteko kartazal edo txarteletan emandako botoak baliogabeak izango dira, eta baita kartazalik gabeak ere. Kartazalean hautagai zerrenda bereko txartel bat baino gehiago baldin badago, baliozko botoa bakartzat zenbatuko da.

Botorako txartelean hautagaien izenak aldatu, erantsi edo ezabatu baldin badira, hautatu beharreko hautagai kopurua baino gehiago markatu badira edo jarrita dauden hurrenkera moldatu, baliogabeak izango dira; gauza bera beste edozein aldaketa gertatu bada txartelean.

Zuriz emandako bototzat hartuko dira txartelik gabeko kartazalak edota txartel zuriz agertzen direnak.

52. artikulua

Batzar orokorreko kide bertaratuen baliozko botoen gehiengo soila lortu duen hautagaia izango da irabazle.

Zuzendaritza batzordea zerrenda itxitik aukeratzen bada, aukeratutako hautagaitzako zerrendaren buru den pertsona hautatuko da GMFren lehendakari.



GIPUZKOAKO MENDIZALE FEDERAZIOA

Federación Guipuzcoana de Montaña

53. artikulua

Boto kopuruan berdinketa gertatuz gero, beste botazio bat egingo da hauteskunde batzordeak erabakiko duen gehienezko epean. Botazio berrian, berriz, lehen postuetan berdindurik geratu diren hautagai zerrendek bakarrik hartuko dute parte.

Berdinketak bere horretan segitzen badu, hirugarren eta azken botazioa egingo da, hauteskunde batzordeak zehaztuko duen moduan.

Berriro ere berdinketa gertatzen bada, hauteskunde batzordeak zozketa egingo du berdindutako hautagai zerrenden artean, gehienez ere zazpi laneguneko epean.

54. artikulua

Hautagai bat bera ere ez baldin bada aurkezten hautagaiak aurkezteko epea irekiko du berriz ere hauteskunde batzordeak. Epe hori igaro ondoren zerrendarik aurkezten ez bada horren berri eman beharko dio hauteskunde batzordeak jardunean dagoen lehendakariari, federazioa deuseztatzea erabakitzeko aparteko batzar orokorrerako deialdia egin dezan.

55. artikulua

GMFren zuzendaritza batzorderako hautagai zerrenda bakarra dagoenean, ez da beharrezkoa izango inolako botaziorik, ta besterik gabe hauteskunde batzordeak zerrenda-burua GMFren lehendakari izendatuko du eta gainerakoak zuzendaritza batzordeko kide.

56. artikulua

Bozketa egin ondoren, hauteskunde mahaiak zenbaketaren akta egingo du hauteskunde batzordeari igortzeko, ahalik eta lasterren, boto txartelekin batera.

Begiratzaileek, eskatzen badute, agiri horren ziurtagiria lortzeko eskubidea izango dute.

Hauteskunde batzordeak, zenbaketaren emaitzak eta bozketako intzidentziak biltzen dituen akta jasotakoan, boto gehien jaso dituen hautagaitzako zerrenda-burua GMFren lehendakari izendatuko du eta gainerakoak zuzendaritza batzordeko kide.

57. artikulua

Hauteskundeak bukatu ondoren hautatutako organoak hamabost egun naturaleko epea izango du eratzeko.

XEDAPEN GEHIGARRIA

Hauteskunde batzordeak eta beste federazio organoek federatuen datu pertsonalen babesa bermatu beharko dute. Hori dela eta, Maila Pertsonaleko Datuak Babesteari buruzko abenduaren 13ko 15/1999 Lege Organikoak diotenaren bidetik, bakar-bakarrik intimitateari zein pribatutasunari eragiten ez dioten federatuen datuak eskainiko zaizkie hautagaiei.

INDARGABETZEKO XEDAPENA

Indarrrik gabe gelditzen da 2004ko irailaren 28an Gipuzkoako Foru Aldundiak onartutako hauteskunde erregelamendua.

AZKEN XEDAPENA

Hauteskunde arautegi hau administrazioak onartu eta Euskal Herriko kirol erakundeen erregistroan inskribatu eta biharamunean sartuko da indarrean.